

- документованог захтјева и непосредног увида код подносиоца захтјева.
- (2) Утврђеног услова прописаних овим правилником цијени комисија коју рјешењем именује кантонални министар.
 - (3) Против рјешења из става 1. овога члана може се изјавити жалба федералном министру здравства (у даљем тексту: федерални министар) у року од 15 дана од дана пријема рјешења.
 - (4) У случају из става 3. овог члана, федерални министар у наведеном року доноси рјешење, које је коначно у управном поступку и против којег се може покренути управни спор у складу са прописима о управним споровима.

Члан 15.

- (1) Уз захтјев из става 1. члана 14. овог правилника здравствене установе, односно приватне праксе дужне су приложити:
 - рјешење о упису у регистар код надлежног суда у складу са прописима о регистрацији установа у Федерацији Босне и Херцеговине;
 - рјешење кантоналног министарства о испуњености услова простора, опреме и кадра за обављање здравствене дјелатности;
 - доказ да има обезбијеђене услове простора, опреме и кадра и одговарајуће врсте и количине лијекова и медицинских средстава за обављање одговарајућих метода и поступака алтернативне медицине;
 - сагласност надлежне коморе;
 - доказ да има обезбијеђеног најмање једног здравственог радника са дозволом кантоналног министарства за обављање алтернативне медицине;
 - доказ о обучености-оспособљености здравственог радника за обављање одговарајућих метода и поступака алтернативне медицине;
 - лиценцу издату од надлежне коморе за здравственог радника из алинеје 6.
- (2) Сагласност из става 1. алинеја 4. надлежна комора даје у складу са својим општим актима.

2. Издавање дозволе здравственом раднику за обављање метода и поступака алтернативне медицине

Члан 16.

- (1) Дозволу здравственом раднику за обављање метода и поступака алтернативне медицине даје кантонални министар рјешењем на основу документованог захтјева.
- (2) Против рјешења из става 1. овога члана које доноси кантонални министар може се изјавити жалба федералном министру у року од 15 дана од дана пријема рјешења.
- (3) У случају из става 2. овог члана, федерални министар у наведеном року доноси рјешење, које је коначно у управном поступку и против којег се може покренути управни спор у складу са прописима о управним споровима.

Члан 17.

- (1) Захтјев из става 1. члана 16. садржи:
 - овјерену фотокопију дипломе о завршеном медицинском, стоматолошком, фармацеутском или фармацеутско-биохемијском факултету, факултету здравствених студија или средње школе здравственог усмјерења,
 - овјерену фотокопију увјерења о положеном стручном испиту,

- овјерену диплому о специјалистичком испиту за специјалисте,
 - рјешење о упису у регистар надлежне коморе здравствених радника,
 - доказ о обучености-оспособљености за обављање одговарајућих метода и поступака алтернативне медицине,
 - лиценцу издату од надлежне коморе,
 - увјерење о здравственој способности,
 - овјерену фотокопију личне карте,
 - сагласност надлежне коморе здравствених радника.
- (2) Сагласност из става 1. алинеја 9. овог члана надлежна комора издаје у складу са својим општим актима.
 - (3) Здравствени радник из става 1. овог члана треба бити уписан у регистар одговарајућег стручног удружења алтернативне медицине, уколико такво удружење постоји у Босни и Херцеговини.

Члан 18.

- (1) Здравствени радници у обављању метода и поступака алтернативне медицине дужни су се придржавати прописа из области здравствене заштите, прописа о правима, обавезама и одговорностима пацијената, прописа из области професионалне саморегулације, као и других прописа из области здравства.
- (2) За свој рад здравствени радници који обављају методе и поступке алтернативне медицине преузимају стручну, етичку, кривичну и материјалну одговорност.

IV - ПРЕЛАЗНЕ И ЗАВРШНЕ ОДРЕДБЕ

Члан 19.

Здравствене установе и приватне праксе које обављају неке од метода и поступака алтернативне медицине обавезне су ускладити свој рад и пословање са одредбама овог правилника у року од шест мјесеци од дана ступања на снагу овог правилника.

Члан 20.

Овај Правилник ступа на снагу осмог дана од дана објављивања у "Службеним новинама Федерације БиХ".

Број 01-37-5341/13

02. октобра 2013. године
Сарајево

Министар

Проф. др Русмир
Месиховић, с. р.

Na osnovu člana 47. stav 3, a u vezi sa članom 236. stav 1. alineja 8. Zakona o zdravstvenoj zaštiti ("Službene novine Federacije BiH", broj 46/10), federalni ministar zdravstva donosi

PRAVILNIK O BLIŽIM UVJETIMA, NAČINU, POSTUPKU OBAVLJANJA METODA I POSTUPAKA ALTERNATIVNE MEDICINE U ZDRAVSTVENOJ USTANOVI, ODNOSNO PRIVATNOJ PRAKSI



I - OPĆE ODREDBE

Члан 1.

- (1) Ovim pravilnikom propisuju se bliži uvjeti, način, postupak obavljanja metoda i postupaka alternativne medicine u zdravstvenoj ustanovi, odnosno privatnoj praksi.
- (2) Pod bližim uvjetima za obavljanje metoda i postupaka alternativne medicine iz stava 1. ovog člana podrazumijevaju se uvjeti prostora, opreme i kadra.

Члан 2.

- (1) Alternativna medicina, u smislu ovog pravilnika, podrazumijeva raznovrsnu zdravstvenu praksu pristupa zdravlju kroz znanja koja se povezuju sa biljem, životinjskom i



mineralnom osnovom i obuhvata provjerene stručno neosporene tradicionalne, komplementarne i alternativne metode i postupke dijagnostike, liječenja i rehabilitacije (u daljem tekstu: alternativna medicina), koji blagotvorno utiču ili koji bi mogli blagotvorno uticati na čovjekovo zdravlje ili njegovu zdravstveno stanje i koji, u skladu sa važećom medicinskom doktrinom, nisu obuhvaćeni zdravstvenim uslugama.

- (2) Dozvoljene su samo one metode i postupci alternativne medicine koji:
- 1) ne štete zdravlju;
 - 2) korisnika - pacijenta ne odvrću od upotrebe za njega korisnih zdravstvenih usluga;
 - 3) se izvode u skladu s priznatim standardima alternativne medicine.

Član 3.

- (1) Metode dijagnostike i liječenja alternativne medicine, u skladu s ovim pravilnikom, su:
- ajurveda,
 - akupunktura i srodne tehnike,
 - tradicionalna kineska medicina,
 - osteopatija,
 - homeopatija,
 - fitoterapija,
 - kvantna medicina i srodne tehnike,
 - hiropraksa i primijenjena kineziologija,
 - makrobiotika.
- (2) Metode rehabilitacije alternativne medicine, u skladu s ovim pravilnikom, su:
- apiterapija,
 - aroma-terapija,
 - vježbe tradicionalne kineske medicine,
 - duhovna energetska medicina,
 - energetska terapija,
 - detekcija štetnih zračenja,
 - joga vježbe,
 - porodični raspored.

Član 4.

- (1) Metode i postupci alternativne medicine mogu se obavljati kao metode preventivne dijagnostike, liječenja i rehabilitacije.
- (2) Metodama iz stava 1. ovog člana nastoji se postići i unaprijediti zdravlje čovjeka i poboljšati kvalitet života.

Član 5.

Metode i postupci alternativne medicine ne mogu se provoditi na teret sredstava obaveznog zdravstvenog osiguranja.

Član 6.

Metode i postupci alternativne medicine iz člana 3. ovoga pravilnika mogu se obavljati samo u onoj zdravstvenoj ustanovi i privatnoj praksi koje ispunjavaju uvjete u skladu sa propisima o zdravstvenoj zaštiti.

II - BLIŽI UVJETI PROSTORA, OPREME I KADRA

Član 7.

Zdravstvena ustanova, odnosno privatna praksa za obavljanje metoda i postupaka alternativne medicine mora ispunjavati sanitarno-tehničke i higijenske uvjete, kao i uvjete prostora, opreme i kadra propisane posebnim propisom o bližim uvjetima prostora, opreme i kadra za osnivanje i obavljanje zdravstvene djelatnosti u zdravstvenim ustanovama, kao i posebnim propisom o uvjetima za obavljanje privatne prakse, a u skladu sa registriranom djelatnošću.

1. Bliži uvjeti prostora

Član 8.

Pored uvjeta prostora propisanih u članu 7. ovog pravilnika, zdravstvena ustanova, odnosno privatna praksa, koja pruža usluge joga vježbi i vježbi tradicionalne kineske medicine, treba imati i prostoriju za vježbe i svlačionicu.

Član 9.



Zdravstvena ustanova, odnosno osnivač privatne prakse dužni su u objektu na vidnom mjestu istaći:

- saglasnost nadležne komore za obavljanje metoda i postupaka alternativne medicine,
- saglasnost nadležnog ministarstva zdravstva za obavljanje metoda i postupaka alternativne medicine,
- dozvolu za obavljanje metoda i postupaka alternativne medicine nadležnog ministarstva zdravstva izdatu zdravstvenom radniku s kojim je zdravstvena ustanova, odnosno privatna praksa zaključila ugovor o radu.

2. Bliži uvjeti opreme

Član 10.

- (1) Zdravstvena ustanova i privatna praksa mogu obavljati metode i postupke alternativne medicine ako, pored odgovarajuće opreme za obavljanje registrirane zdravstvene djelatnosti, imaju osiguran radni sto, tri stolice, ležaj i ormar.
- (2) Pored opreme iz stava 1. ovog člana, a u ovisnosti od vrste metode i postupaka alternativne medicine, treba imati i sljedeću opremu:
- 1) Za metode dijagnostike i liječenja alternativne medicine:
 - Akupunktura i srodne tehnike: pokretno svjetlo ili lampa, setovi akupunkturnih igala za jednokratnu upotrebu ili individualni kompleti igala i sterilizator, kontejner za medicinski otpad i krevet sa papirnim plahnama za jednokratnu upotrebu.
- Aparatura za srodne tehnike, ovisno od vrste metode: aparat za dijagnostiku tačkaka, laser, čekić sa iglama moksa, kupice, lancete i slično, set za dezinfekciju kože, gaza, tupferi i pokretna kolica za instrumente i materijal.
- Tradicionalna kineska medicina: pored opreme iz tačke 1) alineja 1. ovog člana potrebna je i druga oprema u ovisnosti od djelatnosti zdravstvenog radnika;
 - Homeopatija: pored opreme iz tačke 1) alineja 1. ovog člana potreban je komplet za standardni fizikalni pregled (slušalice, aparat za pritisak, lampa, pokretna ili ručna, špatule za pregled grla, perkusioni neurološki čekić) i druga oprema u ovisnosti od djelatnosti zdravstvenog radnika;
 - Fitoterapija: polica za skladištenje fitoterapeutskih sirovina i supstanci i osnovna oprema za izradu fitoterapeutskih preparata;
 - Kvantna medicina i srodne tehnike pored opreme za ordinaciju opće medicine, ima atestiranu i od proizvođača certificiranu aparaturu iz domena kvantne medicine;
 - Kiropraksa i primijenjena kineziologija: pribor za neurološko i ortopedsko testiranje senzitiviteta refleksa i obima pokreta, specijalni krevet za korekciju kičme, negatoskop za čitanje rendgen snimaka, dodatna oprema ovisno od načina rada i kompetencija praktičara.
- 2) Za metode rehabilitacije:
- Apiterapija: oprema kao za metode iz tačke 1) alineja 4. ovog člana.
 - Aroma terapija: pored opreme iz tačke 1) alineja 4. ovog člana potreban je krevet za masažu i lokalnu aplikaciju mirisa i polica za smještaj kompleta mirisa,



- Detekcija štetnih zračenja: priručni pribor za detekciju zračenja, i
- Joga: odgovarajuća podna prostirka.

Član 11.

Zdravstvena ustanova i privatna praksa mogu obavljati metode i postupke alternativne medicine, ako pored osigurane odgovarajuće vrste i količine lijekova i medicinskih sredstava, potrebnih za obavljanje odgovarajuće zdravstvene djelatnosti, imaju osigurane, u ovisnosti od vrste metoda i postupaka alternativne medicine i sljedeće:

- 1) ajurveda - ajurvedske lijekove i preparate u količini potrebnoj za petodnevnu potrošnju;
- 2) tradicionalna kineska medicina - tradicionalne kineske lijekove i preparate u količini potrebnoj za petodnevnu potrošnju;
- 3) homeopatija - homeopatske lijekove u količini potrebnoj za petodnevnu potrošnju;
- 4) fitoterapija - fitoterapijske preparate u količini potrebnoj za petodnevnu potrošnju.

3. Blži uvjeti kadra

Član 12.

Zdravstvena ustanova i privatna praksa mogu obavljati metode i postupke alternativne medicine ako, pored uvjeta utvrđenih propisima o zdravstvenoj zaštiti za obavljanje odgovarajuće djelatnosti zdravstvene ustanove i privatne prakse, u pogledu kadra ima i najmanje jednog zdravstvenog radnika koji ima dozvolu za obavljanje metoda i postupaka alternativne medicine.

III - NAČIN I POSTUPAK OBAVLJANJA ALTERNATIVNE MEDICINE

Član 13.

- (1) Metode i postupke alternativne medicine može obavljati samo ona zdravstvena ustanova i privatna praksa koja ima saglasnost nadležnog kantonalnog ministarstva zdravstva (u daljem tekstu: kantonalno ministarstvo) i nadležne komore.
- (2) Metode i postupke alternativne medicine može obavljati samo onaj zdravstveni radnik koji ima dozvolu kantonalnog ministarstva za obavljanje metoda i postupaka alternativne medicine.

1. Izdavanje saglasnosti za obavljanje metoda i postupaka alternativne medicine zdravstvenoj ustanovi i privatnoj praksi

Član 14.

- (1) Saglasnost za obavljanje metoda i postupaka alternativne medicine zdravstvenoj ustanovi i privatnoj praksi izdaje kantonalni ministar zdravstva (u daljem tekstu: kantonalni ministar) rješenjem na osnovu dokumentiranog zahtjeva i neposrednog uvida kod podnosioca zahtjeva.
- (2) Utvrđenost uvjeta propisanih ovim pravilnikom cijeni komisija koju rješenjem imenuje kantonalni ministar.
- (3) Protiv rješenja iz stava 1. ovoga člana može se izjaviti žalba federalnom ministru zdravstva (u daljem tekstu: federalni ministar) u roku od 15 dana od dana prijema rješenja.
- (4) U slučaju iz stava 3. ovoga člana, federalni ministar u navedenom roku donosi rješenje, koje je konačno u upravnom postupku i protiv kojeg se može pokrenuti upravni spor u skladu sa propisima o upravnim sporovima.

Član 15.

- (1) Uz zahtjev iz stava 1. člana 14. ovoga pravilnika zdravstvene ustanove, odnosno privatne prakse dužne su priložiti:
 - rješenje o upisu u registar kod nadležnog suda u skladu sa propisima o registraciji ustanova u Federaciji Bosne i Hercegovine;

- rješenje kantonalnog ministarstva o ispunjenosti uvjeta prostora, opreme i kadra za obavljanje zdravstvene djelatnosti;
- dokaz da ima osigurane uvjete prostora, opreme i kadra i odgovarajuće vrste i količine lijekova i medicinskih sredstava za obavljanje odgovarajućih metoda i postupaka alternativne medicine;
- saglasnost nadležne komore;
- dokaz da ima osiguranog najmanje jednog zdravstvenog radnika sa dozvolom kantonalnog ministarstva za obavljanje alternativne medicine;
- dokaz o obučenosti-osposobljenosti zdravstvenog radnika za obavljanje odgovarajućih metoda i postupaka alternativne medicine;
- licencu izdatu od nadležne komore za zdravstvenog radnika iz alineje 6.

- (2) Saglasnost iz stava 1. alineja 4. nadležna komora daje u skladu sa svojim općim aktima.

2. Izdavanje dozvole zdravstvenom radniku za obavljanje metoda i postupaka alternativne medicine

Član 16.

- (1) Dozvolu zdravstvenom radniku za obavljanje metoda i postupaka alternativne medicine daje kantonalni ministar rješenjem na osnovu dokumentiranog zahtjeva.
- (2) Protiv rješenja iz stava 1. ovoga člana koje donosi kantonalni ministar može se izjaviti žalba federalnom ministru u roku od 15 dana od dana prijema rješenja.
- (3) U slučaju iz stava 2. ovoga člana, federalni ministar u navedenom roku donosi rješenje, koje je konačno u upravnom postupku i protiv kojeg se može pokrenuti upravni spor u skladu sa propisima o upravnim sporovima.

Član 17.

- (1) Zahtjev iz stava 1. člana 16. sadrži:
 - ovjerenu fotokopiju diplome o završenom medicinskom, stomatološkom, farmaceutskom ili farmaceutsko-biohemijomskom fakultetu, fakultetu zdravstvenih studija ili srednje škole zdravstvenog usmjerenja,
 - ovjerenu fotokopiju uvjerenja o položenom stručnom ispitu,
 - ovjerenu diplomu o specijalističkom ispitu za specijaliste,
 - rješenje o upisu u registar nadležne komore zdravstvenih radnika,
 - dokaz o obučenosti-osposobljenosti za obavljanje odgovarajućih metoda i postupaka alternativne medicine,
 - licencu izdatu od nadležne komore,
 - uvjerenje o zdravstvenoj sposobnosti,
 - ovjerenu fotokopiju lične karte,
 - saglasnost nadležne komore zdravstvenih radnika.
- (2) Saglasnost iz stava 1. alineja 9. ovoga člana nadležna komora izdaje u skladu sa svojim općim aktima.
- (3) Zdravstveni radnik iz stava 1. ovoga člana treba biti upisan u registar odgovarajućeg stručnog udruženja alternativne medicine, ukoliko takvo udruženje postoji u Bosni i Hercegovini.

Član 18.

- (1) Zdravstveni radnici u obavljanju metoda i postupaka alternativne medicine dužni su pridržavati se propisa iz oblasti zdravstvene zaštite, propisa o pravima, obavezama i odgovornostima pacijenata, propisa iz oblasti profesionalne samoregulacije, kao i drugih propisa iz oblasti zdravstva.

